



Tuzla, 17.08.2023.

Broj: KP-I-368/23

CILJEVI I KRITERIJI ZA DODJELU GRANTOVA U OKVIRU FONDA ZA RAZVOJ PODUZETNIŠTVA

Fond za razvoj poduzetništva usmjeren je na podršku realizaciji poduzetničkih inicijativa građana/ki te inicijativa koje imaju za cilj poboljšanje poduzetničkih kompetencija s ciljem povećanja zapošljivosti i samozapošljivosti građana/ki. Podrška iz ovog fonda namjenjena je pokretanju i unapređenju rada malih start-up preduzeća.

CILJEVI FONDA:

Doprinijeti stvaranju uslova za zapošljavanje i samozapošljavanje nezaposlenih osoba kroz jačanje poduzetničkih kompetencija učesnika kako bi ih osposobili za pokretanje i razvoj malih biznisa.

PODRUČJE DJELOVANJA

Podrška se provodi na području Tuzlanskog kantona.

KO MOŽE APLICIRATI ZA GRANT:

- Punoljetni učesnici/e edukacije, građani Tuzlanskog kantona, koji su prisustvovali na minimum 75% edukativnog programa iz oblasti poduzetništva u organizaciji Fondacije tuzlanske zajednice i koji žele pokrenuti novi biznis, pri čemu prednost imaju mlade osobe do 30 godina starosti.
- Punoljetni građani/ke, građani Tuzlanskog kantona, koji nemaju formalno registriran biznis i koji planiraju pokrenuti vlastiti biznis i koji žele unaprijediti svoje poduzetničke vještine i kompetencije.
- Punoljetni građani/ke, građani Tuzlanskog kantona, koji imaju formalno registriran biznis, ne stariji od 18 mjeseci (u momentu zatvaranja javnog poziva), i koji žele unaprijediti svoje poslovanje s ciljem povećanja broja zaposlenih kroz postojeći biznis.

ŠTA PODRŽAVAMO?

- pokretanje poslovne aktivnosti (iznos podrške do 5.000 KM bez PDV-a).
- Unaprijeđenje poslovanja formalno registriranog biznisa, ne starijeg od 18 mjeseci (u momentu zatvaranja Javnog poziva) (iznos podrške do 5.000,00 KM bez PDV-a)

Podržavamo projekte/biznis ideje u kojima učešće aplikanta iznosi najmanje 33% od potraživanog iznosa, što podrazumjeva jasno iskazano učešće aplikanta u finansiranju projekta/biznis ideje, u vidu uloženog novca ili uloženog volonterskog rada ili donirane robe, alata, opreme ili usluga bilo od strane aplikanta ili drugih lokalnih donatora. Vrijednost volonterskog rada i donacija u robi mora biti izražena u novčanim jedinicama i jasno opisana u aplikaciji.

Uslovi za podršku pokretanju poslovne aktivnosti (do 5.000 KM bez PDV-a):

- Sposobnost kandidata/kinje da iznese poslovnu ideju:

Vrednuje se kapacitet kandidata/kinje, njegovo znanje (know how) o poslovnoj djelatnosti u okviru koje realizuje biznis ideju, iskustvo, vještine, odlučnost i sposobnost da realizuje svoj poslovni plan. Procjenu sposobnosti kandidata daje imenovani mentor na osnovu dojma stečenog kroz proces savjetovanja.



- Kvalitet biznis plana:

Vrednuje se koliko je biznis plan jasno i razumljivo napisan. Da li je u biznis planu jasno predstavljena ideja, da li je jasno opisana usluga-proizvod, da li je realno urađena i jasno predstavljena analiza tržišta, postavljeni ciljevi, način upravljanja, finansije.

- Inovativnost biznis ideje

Vrednuje se inovacija ideje. Da li se radi o djelatnosti ili ideji koja je nova i ne postoji na ciljanom tržištu, koja je relativno rijetka na tržištu ili o biznis ideji ili djelatnosti preduzeća kojom je tržište zasićeno. Također, vrednuje se i koliko su načini poslovanja inovativni i da li se njima postiže konkurentna prednost.

- Utrživost proizvoda/usluga

Vrednuje se koliko proizvod-usluga odgovara potrebama ciljanih kupaca; koliko proizvod ili usluga odgovara na potražnju tržišta, kakav rejting ima u odnosu na konkurenciju; procjena marketing mix plana (proizvod, cijena, promocija, distribucija).

- Održivost biznisa

Vrednuje se održivost poslovanja preduzeća (procjena rizika koji mogu naštetiti poslovanju) kao i dalje mogućnosti razvoja preduzeća (vrijednost profita, procjena isplativosti poslovanja, širenje poslovanja)

- Mogućnosti zapošljavanja

Vrednuje se broj osoba koje će se kroz realizaciju poslovne ideje zaposliti.

Troškovi koje možemo prihvatiti:

Prilikom izrade biznis plana potrebno je voditi računa o troškovima koji mogu biti pokriveni od sredstava Fondacije tuzlanske zajednice. Troškovi koji se smatraju opravdanim su:

- troškovi nabavke sredstava za rad i opreme za registrovanu djelatnost;
- troškove nabavke fiskalne kase;
- troškovi zakupa poslovnog prostora u kojem se obavlja registrovana djelatnost, do 20% od ukupnog iznosa potraživanja;
- troškovi vođenja knjigovodstvenih i finansijskih usluga, do 20% od ukupnog iznosa potraživanja;
- sufinansiranje troškova obaveznih doprinosa na platu, s tim da je maksimalni iznos sufinansiranja 1.000,00KM (hiljadu KM);
- troškovi promocije, do 10% od ukupnog iznosa potraživanja;
- troškovi režija (telefon, internet, el. energija, komunalije), do 20 % od ukupnog iznosa potraživanja.

Napomena: prilikom pisanja budžeta potrebno je voditi računa da svi troškovi koji se planiraju i potražuju od strane Fondacije tuzlanske zajednice treba da budu iskazani u iznosu koji ne uključuje troškove PDV-a

Troškovi koje nećemo prihvatiti

- troškove neto plata zaposlenih,
- troškove kamata,
- troškove polica osiguranja imovine,
- troškove kupovine zemljišta ili objekata,
- troškove koji nisu relevantni za implementaciju biznis plana,
- troškovi registracije preduzeća (sudske i administrativne takse, izrada pečata firme),
- troškove infrastrukturnog uređenje prostora za rad ili bilo kakve troškove koji se tiču infrastrukture.



Vrednovanje

Ocjenu donosi stručna komisija Fondacije tuzlanske zajednice na osnovu sljedećih kriterija:

Kriterij	Mjerilo	Gradacija	Vrijednost kriterija
Sposobnost aplikanta da iznese poslovnu ideju	-Aplikant ne posjeduje sposobnost i odlučnost -Aplikant posjeduje određenu sposobnost i odlučnost -Aplikant posjeduje izuzetnu sposobnost i odlučnost	1-3 bodova 4-6 bodova 7-10 bodova	x2
Kvalitet biznis plana	-Nije jasno napisan -Djelimično jasno napisan -Potpuno jasno napisan	1-3 bodova 4-6 bodova 7-10 bodova	x1
Inovativnost biznis ideje	-Tržište je zasićeno -Ideja-djelatnost je rijetka na tržištu -Ideja-djelatnost je nova na tržištu	1-3 bodova 4-6 bodova 7-10 bodova	x1,5
Utrživost proizvoda/usluga	-Proizvod/usluga ne odgovara potrebama ciljanih potrošača/tržišta. -Proizvod ili usluga odgovara na potrebu ciljanih potrošača/tržišta. -Proizvod/usluga je tražena na ciljanom tržištu	1-3 bodova 4-6 bodova 7-10 bodova	x1,5
Održivost biznisa	-Biznis nije održiv -Postoje mogućnosti za održivost biznisa -Biznis je održiv	1-3 bodova 4-6 bodova 7-10 bodova	x2
Mogućnost zapošljavanja	-1 osoba -2 osobe -3 i više osoba	3 bodova 6 bodova 10 bodova	x2

Napomena:

- Prednost u pozivu imaju nezaposlena lica sa evidencije JU Službe za zapošljavanje TK,
- Ovi kriteriji se posmatraju kao prednost samo u slučajevima jednakog rangiranja biznis ideja kandidata koji po ocjeni Savjetodvane komisije zaslužuju podršku.



Način podnošenja zahtjeva:

Učesnici/e edukacije koji su prisustvovali na minimum 75% edukativnih radionica i koji su zainteresovani za podnošenje zahtjeva za podršku pokretanju poslovne aktivnosti su obavezni svoju poslovnu ideju razraditi i dostaviti isključivo u Fondacijinoj formi biznis plana (prilog). Učesnici edukacije će imati priliku svoju poslovnu ideju razvijati direktno na edukativnim radionicama pri čemu će pored savjetodavne podrške predavača imati i podršku stručnog mentora.

Uz formu biznis plana aplikanti su obavezni dostaviti i sljedeće dokumente:

- Izjava o saglasnosti i tačnosti podataka;
- Izjavu da se protiv aplikanta-fizičkog lica koje podnosi zahtjev, kao i aplikanta-vlasnika poslovnog subjekta koji podnosi zahtjev ne vodi krivični postupak;
- Izjavu da aplikant-fizičko lice koje podnosi zahtjev, nije pravosnažno osuđen za prekršaj i/ili počinjeno krivično djelo;
- Potvrdu iz JU Služba za zapošljavanje TK da su nezaposleni.
- Rješenje o registraciji preduzeća za kandidate koji podnose zahtjev za unapređenje poslovne aktivnosti preduzeća mlađih od 18 mjeseci.

Obavezna dokumentacija za biznise koji dobiju podršku:

- Nakon registracije biznisa a prije potpisivanja Ugovora dobitnik finansijske podrške je obavezan dostaviti: rješenje o registraciji biznisa (kopija), uvjerenje o registraciji poreznog broja tj ID broj (kopija), obavještenje o razvrstavanju poslovnog subjekta – fizičkog lica prema klasifikaciji djelatnosti (kopija), kopija Ugovora sa bankom o otvaranju računa (kopija) i **Potvrdu iz Porezne uprave koja potvrđuje da li je novoregistrovani subject obavezan imati fiskalnu kasu ili ne (orginal).**

Napomena:

Svi aplikanti su obavezni **dostaviti svoje biznis planove isključivo u predviđenoj elektronskoj formi** na e-mail adresu inicijative@fondacijatz.org, najkasnije 15 dana od dana završetka edukacije, a nakon potvrde prijema i dva štampana i potpisana primjerka biznis plana, zajedno sa izjavama potpisanim od strane podnosioca zahtjeva na adresu Fondacije tuzlanske zajednice Pozorišna 13, 75000 Tuzla.

Ukoliko u roku od 48 radnih sati ne dobijete potvrdu o prijemu aplikacije budite slobodni da nas kontaktirate telefonom na broj 035/362-830 ili mobitel 061/206-935. Za sve dodatne informacije i pojašnjenja tokom perioda podnošenja prijave, aplikanti mogu direktno uputiti pitanja u pisanoj formi na mail: inicijative@fondacijatz.org.

Prilikom podnošenja prijave, u naslovu email-a i na koverti prilikom slanja štampanog primjerka biznis plana, naznačiti: Prijava na Fond za razvoj poduzetništva; Zahtjev za podršku za pokretanje poslovne aktivnosti; Ime i prezime.

ODLUKA O PODRŠCI I POTPISIVANJE UGOVORA

Nakon provjere zaprimljenih biznis planova, komisija će iste ocijeniti i sačiniti listu odabranih korisnika granta. Lista odabranih korisnika će biti objavljena na web stranici Fondacije tuzlanske zajednice u roku od 30 dana od dana donošenja odluke.




Po finalnom odabiru projekata, i objavljivanju rezultata na web stranici Fondacije bit će otvoren rok za prigovore u trajanju od 7 radnih dana. Pravo na prigovor imaju svi sudionici na objavljenom pozivu koji iz određenih razloga nisu zadovoljni svojom pozicijom na rang listi odobrenih grantova.

Detaljni uslovi korištenja dodjeljenih grant sredstava regulirat će se Ugovorom između Fondacije tuzlanske zajednice i odabranih korisnika.

Navedeni kriteriji su usklađeni sa Strateškim planom 2020-2024 Fondacije tuzlanske zajednice i zahtjevima donatora Fonda.

U Tuzli, 17.08.2023.



Jasna Jašarević
Direktorica

